



# IKUGA FONO

**FONO FAKAMUA  
23 - 25 Fepualii 2015  
NUKUNONU**

## FONO FAKAMUA

23 - 25 Fepualii 2015

---

MATAKUPU

PAHINA

---

1.	<b>Fakatautoga o te Takitaki Fono, Hui Takitaki Fono &amp; Hui Fono Fakamua.....</b>	<b>3</b>
2.	<b>Iloiloga o te Tupe mo te Tauhaga Tupe 2014/2015 .....</b>	<b>3 - 6</b>
3.	<b>Peleni mo ni Huiga.....</b>	<b>6 - 7</b>
4.	<b>Vaevaega/Fakaaoogaga o te Tupe maua mai te Teuga Tupe .....</b>	<b>8</b>
5.	<b>Tukutukuga mo Femalagaakiga mo he Taimi Pukupuku ke pa mai te vaka fou ma kamata tana Tautuaga .....</b>	<b>8 - 9</b>
6.	<b>Lipoti mai te Malo Fakaauau.....</b>	<b>9</b>

### ***Pepa Fakaopoopo***

1. *Lauga*
  - i. *Hui o te Ulu Fakatonu o Tokelau*
  - ii. *Ulu o Tokelau 2014*
  - iii. *Ulu o Tokelau 2015*
2. Kupu mai na Hoa-Lagolago: Peleni mo ni Huiga

### **Hui Fono Fakamua**

### **Kaufaigaluega Tautua**

## **1. FAKATAUTOGA O TE TAKITAKI FONO & HUI TAKITAKI FONO & HUI FONO FAKAMUA**

Na **tofia** e te mamalu o te Fono Fakamua te Takitaki Fono Petelo Hanele Patelesio & Hui Takitaki Fono Petelo Tavite fakatahi ai ma **talia** te Hui Fono Fakamua Fou Mika Kalolo ke huia ai te hui Fono Fakamua kia Dr. Tekie Iosefa.

## **2. ILOILOGA O TE TUPE 2014/2015**

Ko te mamalu o te Fono Fakamua na:

**i. matau:**

- i. te pepa a te Komiti Tupe;

**ii. malilie:**

- i. ke iei ni lipoti o na tupe ova a na Nuku mai te Mataeke o te Tupe ke fakamaina ai na fakafanoga na mafua ai te ova;
- ii. ke taukave na paleni o na tupe atiake ki te tauhaga tupe fou kae fakatalanoa i te Fono Fakamua ka hohoko he taimi fakatapula mo na vaega tupe e fakaauau ki he tahi tauhaga tupe;
- iii. ki te Ofiha o te Malo Fakaauau, ke tapena mai ni pepa ke fakamaina ai te tapenapenaga ki te fonotaga COP - 21 ma na tau kua fakatutu;

<b>i.</b>	<b>Matau</b> na vaega i lalo o te Iloiloga o te Tupe TT2015 (aho 17 Fepualu) e veia ona fakahoa atu ki na hui ote Fono Fakamua
<b>ii.</b>	<b>Malilie:</b>  i. ko na aofakiga ienei ona tupe ova a na nuku e he tipiagia mai na Fakatupega pahia muamua mo te TT2015 kae ke fakatupe e te Malo mai na Tupe Maua fakaopoopo;

  

<b>Vaega</b>	<b>Aofakiga</b>
Atafu – Fonotaga Minihita FFC	\$ 97,000
Atafu – Totogi Taupulega TT2014	\$ 100,000
Nukunonu – Fonotaga Ofiha FFC	\$ 115,000
Nukunonu – Totogi Taupulega TT2014	\$ 88,000
EDNRE – Fonotaga ate FFC Tokelau	\$ 50,000
<b>Aofakiga</b>	<b>\$ 450,000</b>

	ii. Ki te Mataeke o te Tupe ke tapena mai ni lipoti tupe mo na fonotaga a te FFC i Nukunonu & Atafu.																				
iii	<p><b>Malilie</b> ko na aofakiga ienei ona tupe ova TT2014 ke tipi mai i na fakatupega a latou kua lihi atu mo te TT2015</p> <table border="1"> <thead> <tr> <th>Vaega</th><th>Aofakiga</th></tr> </thead> <tbody> <tr> <td>Atafu</td><td>\$ 222,000</td></tr> <tr> <td>Nukunonu</td><td>\$ 98,000</td></tr> <tr> <td>EDNRE</td><td>\$ 75,000</td></tr> <tr> <td>OCOG</td><td>\$ 49,000</td></tr> <tr> <td>NPF – Hikolahipi</td><td>\$ 48,000</td></tr> <tr> <td>NPF – Iloiloga ote Ola Malolo / TPRS</td><td>\$ 9,000</td></tr> <tr> <td><b>Aofakiga</b></td><td><b>\$ 501,000</b></td></tr> </tbody> </table>	Vaega	Aofakiga	Atafu	\$ 222,000	Nukunonu	\$ 98,000	EDNRE	\$ 75,000	OCOG	\$ 49,000	NPF – Hikolahipi	\$ 48,000	NPF – Iloiloga ote Ola Malolo / TPRS	\$ 9,000	<b>Aofakiga</b>	<b>\$ 501,000</b>				
Vaega	Aofakiga																				
Atafu	\$ 222,000																				
Nukunonu	\$ 98,000																				
EDNRE	\$ 75,000																				
OCOG	\$ 49,000																				
NPF – Hikolahipi	\$ 48,000																				
NPF – Iloiloga ote Ola Malolo / TPRS	\$ 9,000																				
<b>Aofakiga</b>	<b>\$ 501,000</b>																				
iv	<p><b>Malilie</b> ko na vaega tupe totoe ienei mai te TT2014 mo na polokalame atiake ke fakaauau mai kite TT2015</p> <table border="1"> <thead> <tr> <th>Vaega</th><th>Aofakiga</th></tr> </thead> <tbody> <tr> <td>NPF - Infrastructure Replacement Fund</td><td>\$ 600,000</td></tr> <tr> <td>NPF - Mataliki Fit-out</td><td>\$ 580,000</td></tr> <tr> <td>NPF - Disaster Management</td><td>\$ 26,000</td></tr> <tr> <td>NPF – Taula ote Vaka i Apia</td><td>\$ 21,000</td></tr> <tr> <td>NPF - IDP Fit-out</td><td>\$ 15,000</td></tr> <tr> <td><b>Aofakiga</b></td><td><b>\$ 1,242,000</b></td></tr> </tbody> </table>	Vaega	Aofakiga	NPF - Infrastructure Replacement Fund	\$ 600,000	NPF - Mataliki Fit-out	\$ 580,000	NPF - Disaster Management	\$ 26,000	NPF – Taula ote Vaka i Apia	\$ 21,000	NPF - IDP Fit-out	\$ 15,000	<b>Aofakiga</b>	<b>\$ 1,242,000</b>						
Vaega	Aofakiga																				
NPF - Infrastructure Replacement Fund	\$ 600,000																				
NPF - Mataliki Fit-out	\$ 580,000																				
NPF - Disaster Management	\$ 26,000																				
NPF – Taula ote Vaka i Apia	\$ 21,000																				
NPF - IDP Fit-out	\$ 15,000																				
<b>Aofakiga</b>	<b>\$ 1,242,000</b>																				
v	<p><b>Malilie</b> ki na huiga kua fakatino ki te Paketi ote Tupe Maua TT2015</p> <table border="1"> <thead> <tr> <th>Vaega Fakatupega</th><th>Aofakiga</th></tr> </thead> <tbody> <tr> <td>Tupe Tauhi NZ</td><td>\$50,000</td></tr> <tr> <td>Hone Fagota – USST</td><td>\$2,500,000</td></tr> <tr> <td>Hone Fagota – Huiga kite USST 2014</td><td>\$2,750,000</td></tr> <tr> <td>Lafoga ona Totogi (CSL)</td><td>(\$60,000)</td></tr> <tr> <td>Pahehe ona Uta</td><td>\$90,000</td></tr> <tr> <td>Initelehi mai na Teuga Tupe</td><td>\$100,000</td></tr> <tr> <td>NZ Grant - Infrastructure Replacement Fund</td><td>\$600,000</td></tr> <tr> <td>NZ Grant - Mataliki Fit-out</td><td>\$580,000</td></tr> <tr> <td><b>Aofakiga</b></td><td><b>\$6,610,000</b></td></tr> </tbody> </table>	Vaega Fakatupega	Aofakiga	Tupe Tauhi NZ	\$50,000	Hone Fagota – USST	\$2,500,000	Hone Fagota – Huiga kite USST 2014	\$2,750,000	Lafoga ona Totogi (CSL)	(\$60,000)	Pahehe ona Uta	\$90,000	Initelehi mai na Teuga Tupe	\$100,000	NZ Grant - Infrastructure Replacement Fund	\$600,000	NZ Grant - Mataliki Fit-out	\$580,000	<b>Aofakiga</b>	<b>\$6,610,000</b>
Vaega Fakatupega	Aofakiga																				
Tupe Tauhi NZ	\$50,000																				
Hone Fagota – USST	\$2,500,000																				
Hone Fagota – Huiga kite USST 2014	\$2,750,000																				
Lafoga ona Totogi (CSL)	(\$60,000)																				
Pahehe ona Uta	\$90,000																				
Initelehi mai na Teuga Tupe	\$100,000																				
NZ Grant - Infrastructure Replacement Fund	\$600,000																				
NZ Grant - Mataliki Fit-out	\$580,000																				
<b>Aofakiga</b>	<b>\$6,610,000</b>																				

vi	<p><b>Matau ma pahia</b> na fehuiakiga ma na fakatupega fakaopoopo kua takua venei:</p> <table border="1" style="width: 100%; border-collapse: collapse;"> <thead> <tr> <th style="text-align: left; padding: 5px;"><b>Vaega</b></th><th style="text-align: left; padding: 5px;"><b>Fakamatalaga</b></th><th style="text-align: right; padding: 5px;"><b>Aofakiga</b></th></tr> </thead> <tbody> <tr> <td style="padding: 5px;">Atafu</td><td style="padding: 5px;">Fakatupega tuku fakatahi</td><td style="text-align: right; padding: 5px;">\$ 500,000</td></tr> <tr> <td style="padding: 5px;">Atafu</td><td style="padding: 5px;">Waste Management</td><td style="text-align: right; padding: 5px;">\$ 10,000</td></tr> <tr> <td style="padding: 5px;">Fakafo</td><td style="padding: 5px;">Fakatupega tuku fakatahi</td><td style="text-align: right; padding: 5px;">\$ 500,000</td></tr> <tr> <td style="padding: 5px;">Fakafo</td><td style="padding: 5px;">Fakatupega Totogi Taupulega TT2014</td><td style="text-align: right; padding: 5px;">\$ 50,000</td></tr> <tr> <td style="padding: 5px;">Fakafo</td><td style="padding: 5px;">Waste Management</td><td style="text-align: right; padding: 5px;">\$ 10,000</td></tr> <tr> <td style="padding: 5px;">Nukunonu</td><td style="padding: 5px;">Fakatupega tuku fakatahi</td><td style="text-align: right; padding: 5px;">\$ 500,000</td></tr> <tr> <td style="padding: 5px;">Nukunonu</td><td style="padding: 5px;">Waste Management</td><td style="text-align: right; padding: 5px;">\$ 10,000</td></tr> <tr> <td style="padding: 5px;">EDNRE</td><td style="padding: 5px;">Fale ote Kauhaga Faigafaiva</td><td style="text-align: right; padding: 5px;">\$ 60,000</td></tr> <tr> <td style="padding: 5px;">Finance</td><td style="padding: 5px;">Replacement ICT server</td><td style="text-align: right; padding: 5px;">\$ 30,000</td></tr> <tr> <td style="padding: 5px;">OCOG</td><td style="padding: 5px;">COP-21 Tapenaga</td><td style="text-align: right; padding: 5px;">\$ 60,000</td></tr> <tr> <td style="padding: 5px;">OCOG</td><td style="padding: 5px;">Joint country evaluations</td><td style="text-align: right; padding: 5px;">\$ 40,000</td></tr> <tr> <td style="padding: 5px;">OCOG</td><td style="padding: 5px;">Iloiloga ote Tupe Tauhi</td><td style="text-align: right; padding: 5px;">\$ 20,000</td></tr> <tr> <td style="padding: 5px;">OCOG</td><td style="padding: 5px;">Takaloga</td><td style="text-align: right; padding: 5px;">\$ 20,000</td></tr> <tr> <td style="padding: 5px;">Support Services</td><td style="padding: 5px;">Tukuga ki lalo Fale I Apia</td><td style="text-align: right; padding: 5px;">\$ 100,000</td></tr> <tr> <td style="padding: 5px;">Transport</td><td style="padding: 5px;">Management contract savings</td><td style="text-align: right; padding: 5px;">(\$ 300,000)</td></tr> <tr> <td style="padding: 5px;">NPF - Charters</td><td style="padding: 5px;">Vaka Malaga Fakaopoopo</td><td style="text-align: right; padding: 5px;">\$ 100,000</td></tr> <tr> <td style="padding: 5px;">NPF - Huiga Tulaga ote Olaga</td><td style="padding: 5px;">Fakatalanoaga Fakaopoopo</td><td style="text-align: right; padding: 5px;">\$ 100,000</td></tr> <tr> <td style="padding: 5px;">NPF - Devolution Review</td><td style="padding: 5px;">Fakaheke kite Huiga ote Tulaga ote Olaga</td><td style="text-align: right; padding: 5px;">(\$ 50,000)</td></tr> <tr> <td style="padding: 5px;">NPF - Hikolahipi</td><td style="padding: 5px;">Hikitaga ote aofaki o fanau akoga</td><td style="text-align: right; padding: 5px;">\$ 128,000</td></tr> <tr> <td style="padding: 5px;">NPF - TPRS</td><td style="padding: 5px;">Hikitaga ote aofaki ona tauale</td><td style="text-align: right; padding: 5px;">\$ 50,000</td></tr> <tr> <td style="padding: 5px;">NPF - Contingency Fund</td><td style="padding: 5px;">Popolega ki vaitau o Afa</td><td style="text-align: right; padding: 5px;">\$ 50,000</td></tr> <tr> <td style="padding: 5px;">NPF - Health Review</td><td style="padding: 5px;">Fakatinoga ona Iloiloga ote Ola Malolo / TPRS</td><td style="text-align: right; padding: 5px;">\$ 30,000</td></tr> <tr> <td style="padding: 5px;">NPF - Satellites</td><td style="padding: 5px;">Fakatupega fakaopoopo satelite (USP Nukunonu / Fakafo)</td><td style="text-align: right; padding: 5px;">\$ 150,000</td></tr> <tr> <td style="padding: 5px;">NPF - Fakatupega Fakaleoleo Atiakega Tokelau</td><td style="padding: 5px;">Hone Fagota - Tufaga Tuoe fakapitoa huiga ote USST 2014 fakaheke kite TT2016</td><td style="text-align: right; padding: 5px;">\$ 2,750,000</td></tr> <tr> <td style="padding: 5px;"></td><td style="padding: 5px; text-align: center;"><b>Aofakiga</b></td><td style="text-align: right; padding: 5px;"><b>\$ 4,918,000</b></td></tr> </tbody> </table>			<b>Vaega</b>	<b>Fakamatalaga</b>	<b>Aofakiga</b>	Atafu	Fakatupega tuku fakatahi	\$ 500,000	Atafu	Waste Management	\$ 10,000	Fakafo	Fakatupega tuku fakatahi	\$ 500,000	Fakafo	Fakatupega Totogi Taupulega TT2014	\$ 50,000	Fakafo	Waste Management	\$ 10,000	Nukunonu	Fakatupega tuku fakatahi	\$ 500,000	Nukunonu	Waste Management	\$ 10,000	EDNRE	Fale ote Kauhaga Faigafaiva	\$ 60,000	Finance	Replacement ICT server	\$ 30,000	OCOG	COP-21 Tapenaga	\$ 60,000	OCOG	Joint country evaluations	\$ 40,000	OCOG	Iloiloga ote Tupe Tauhi	\$ 20,000	OCOG	Takaloga	\$ 20,000	Support Services	Tukuga ki lalo Fale I Apia	\$ 100,000	Transport	Management contract savings	(\$ 300,000)	NPF - Charters	Vaka Malaga Fakaopoopo	\$ 100,000	NPF - Huiga Tulaga ote Olaga	Fakatalanoaga Fakaopoopo	\$ 100,000	NPF - Devolution Review	Fakaheke kite Huiga ote Tulaga ote Olaga	(\$ 50,000)	NPF - Hikolahipi	Hikitaga ote aofaki o fanau akoga	\$ 128,000	NPF - TPRS	Hikitaga ote aofaki ona tauale	\$ 50,000	NPF - Contingency Fund	Popolega ki vaitau o Afa	\$ 50,000	NPF - Health Review	Fakatinoga ona Iloiloga ote Ola Malolo / TPRS	\$ 30,000	NPF - Satellites	Fakatupega fakaopoopo satelite (USP Nukunonu / Fakafo)	\$ 150,000	NPF - Fakatupega Fakaleoleo Atiakega Tokelau	Hone Fagota - Tufaga Tuoe fakapitoa huiga ote USST 2014 fakaheke kite TT2016	\$ 2,750,000		<b>Aofakiga</b>	<b>\$ 4,918,000</b>
<b>Vaega</b>	<b>Fakamatalaga</b>	<b>Aofakiga</b>																																																																															
Atafu	Fakatupega tuku fakatahi	\$ 500,000																																																																															
Atafu	Waste Management	\$ 10,000																																																																															
Fakafo	Fakatupega tuku fakatahi	\$ 500,000																																																																															
Fakafo	Fakatupega Totogi Taupulega TT2014	\$ 50,000																																																																															
Fakafo	Waste Management	\$ 10,000																																																																															
Nukunonu	Fakatupega tuku fakatahi	\$ 500,000																																																																															
Nukunonu	Waste Management	\$ 10,000																																																																															
EDNRE	Fale ote Kauhaga Faigafaiva	\$ 60,000																																																																															
Finance	Replacement ICT server	\$ 30,000																																																																															
OCOG	COP-21 Tapenaga	\$ 60,000																																																																															
OCOG	Joint country evaluations	\$ 40,000																																																																															
OCOG	Iloiloga ote Tupe Tauhi	\$ 20,000																																																																															
OCOG	Takaloga	\$ 20,000																																																																															
Support Services	Tukuga ki lalo Fale I Apia	\$ 100,000																																																																															
Transport	Management contract savings	(\$ 300,000)																																																																															
NPF - Charters	Vaka Malaga Fakaopoopo	\$ 100,000																																																																															
NPF - Huiga Tulaga ote Olaga	Fakatalanoaga Fakaopoopo	\$ 100,000																																																																															
NPF - Devolution Review	Fakaheke kite Huiga ote Tulaga ote Olaga	(\$ 50,000)																																																																															
NPF - Hikolahipi	Hikitaga ote aofaki o fanau akoga	\$ 128,000																																																																															
NPF - TPRS	Hikitaga ote aofaki ona tauale	\$ 50,000																																																																															
NPF - Contingency Fund	Popolega ki vaitau o Afa	\$ 50,000																																																																															
NPF - Health Review	Fakatinoga ona Iloiloga ote Ola Malolo / TPRS	\$ 30,000																																																																															
NPF - Satellites	Fakatupega fakaopoopo satelite (USP Nukunonu / Fakafo)	\$ 150,000																																																																															
NPF - Fakatupega Fakaleoleo Atiakega Tokelau	Hone Fagota - Tufaga Tuoe fakapitoa huiga ote USST 2014 fakaheke kite TT2016	\$ 2,750,000																																																																															
	<b>Aofakiga</b>	<b>\$ 4,918,000</b>																																																																															
vii.	<p><b>Malilie</b> ki na nuku ke fakamaopoopo na polokalame e fakafano ki ei a latou vaega tupe taki \$500,000 ma tuku atu ki te Mataeke o te Tupe i he taimi vave.</p>																																																																																

viii.	<b>toe fakamautinoa</b> na fakatugega mo na galuega lalahi – Falemai o Fakaofo ma te Fale Akoga o Nukunonu e taki \$850,000 ma na paleni totoe ite tauhaga nei ke fakaauau atu ki te TT2016.
-------	--

### 3. PELENI MO NI HUIGA

Ko te mamalu o te Fono Fakamua na:

i. **matau:**

- i. te Kupu mai na Hoa-Lagolago e tuha ai ma te Lipoti o te Peleni mo ni Huiga agai ki te Tulaga Lelei o te Olaga (e fakapipiki) ma **fakafetai** ki na Hoa-Lagolago;

ii. **matau:**

- i. ko te Lipoti e fautuagia ai ni huiga e lahi;
- ii. na lagona o na Taupulega e lagolago ke iei ni huiga patino ki na tautuaga, e matea na popolega ienei:
  - a. ko te hini o te galuega tenei ke kikila ki te fakahetonu o te fakatinoga o na tautuaga kae ko na huiga e fautuagia ki te fauhaga e fakalavelave ki te tatou aganuku ma na nofonofoga a na vaega kehekehe e ono iei ni ona afainaga ki te fakavae ma te huiga ki te fauhaga kua lahi ni galuega e fai ki ei talu mai te kamataga te atiakega o te tulafono fakavae o Tokelau;
  - b. Ko ni huiga lalahi venei e tatau ke fakatutu mai loto kae he mai fafo. Ko te Tokelau e kehe lava ia ma e he tatau mo ni tino ke omai oi fakamalohia mai ni huiga. E he lagolago e te Taupulega ni tukutukuga venei;
  - c. Ko te pule a na Taupulega agai ki ana kaufaigaluega na kave kehe foki ma na afaina ai te fakatulagaga o na kaufaigaluega. Ko te pule a na Taupulega na he fakatauagia e kui i te huiga ki te fauhaga – ko na Taupulega ko na fakavae ia o Tokelau;
  - d. Ko te kauhaga na tuhia te lipoti e he i kinei ke tautali ni fehili mai na nuku;
  - e. Ko na tiute uma ke tuku fakatahi.

iii. **FAKALOTOTELE** e kui i te kupu a te Kau Hauatea e tuku mai ai he tapaha ma he fakamalohi kau mo Fono Fakamua:

- a. Ke fakamautinoa e te Fono Fakamua ko na huiga e a tagata/nuku;
- b. Kona nuku e iei o latou popolega i te fautuagia mai o na huiga e ni tino mai fafo;
- c. Ko na huiga talafeagai mo te fakalelei atiliga o te ‘fale o Tokelau’ e tatau ke e a kitatou;
- d. E tatau ke fakamatea e Tokelau na huiga e lelei mo ia.

**iv. I HE LAGOLAGO MAI** na lagona mai Niuhila, te paaga faka-te-tulafono, e aofia ai na vaega ienei:

- a. Ko te lipoti e tuku mai ai he avanoa pe he fakavae e mafai ke ttu fakatahi ai ia Tokelau. Ko te Peleni e a Tokelau ke tonu na vaega e fofou ki ei, ma na vaega ehe fofou ki ei, ma fai hao kafai e iei he vaega e he katoatoa.;
- b. Ko te lukitau mo Tokelau ma Niuhila ke hui na fautuaga o te peleni mo peleni ote tuaga lelei o te olaga o Tokelau;
- c. Kae ke mafai ke tulaki mai ni leleiga, ko te peleni e tatau lava ke a Tokelau!
- d. E toe iei ni gaoioga agai ki te fakaheaiga o te nofo kolone ite maea ai ona faiga palota fakapitoa e lua (2) mo hana faiga malo fakalotoifale ite 2006 ma te 2007;
- e. Ite tulaga e he mauagia ai e Tokelau te mafai ke fakatino ai ni taki ma ietahi tautuaga ona ko he kolone; e tuku mai e Niu Hila na tautuaga iena;
- f. E manakomia ke fai e kitatou na huiga e manakomia vave ma taua; tiaki na vaega e he taua; fakamatea na poto mahani ma na tautuaga e tatau ke mauagia ona e he mauagia I Tokelau;
- g. Huiga kemaua ai e na nuku he tulaga e fakaleleia te olaga o tagata e taualahi; ma kona huiga e ienei e tatau ke mafai ke fai ma e fakaitiitia ai te fakatulave ma vena te afaina ai o te pule a Tokelau;
- h. Ko te Peleni mona Huiga e fuaefa atili ma e tatau ai ke kikila fakapitoa kina vaega kua kamata ai na galuega; pe ini tulaga e manakomia ai ni huiga ke fai;
- i. E lagolago na nuku kona huiga fakatutu kina fauhaga e tatau ke fakatali kite taimi e totoka ma tapena ai ia Tokelau;
- j. Matau koi e tahi huiga veia kote Iloiloga a na Akoakoga; kua fakatino.

**v. ITE MATAUGIA** ona vaega kua takua I luga ma i te kavea o te Lipoti ma meatotino a te Fono Fakamua, i te talitonuga kina fakamanuiaga a te Atua ma ana takitakiga ma na matagi e taki ai te tatou Malaga ke tele ai to tatou vaka kihe tulaga e maua ai eo tatou tagata, nei ma taeao, he tulaga kua fakaleleia te tulaga ote olaga . I he matauga kona huiga e tatau ke fakamamafa kite tukuatuga ona tautuaga ie ia e he ono fakatulave ki a tatou nofonofoga ite aganuku ma na tu ma fauhaga ma ite taimi foki tena e fakaauau pea na galuega ma te iviivinaki kite fakaleleia ote tulaga o te olaga ina vaega ienei kua takua I lalo:

- i. ke toe fakafoki te matakupu ki na Taupulega mo ni ietahi fakatalanoaga mo ni auala ki mua o te Peleni mo na Huiga;
- ii. ko na lagona o na Taupulega e fakamaopoopo ki te Ofiha o te Malo Fakaauau i loto o te 2 mahina;
- iii. ke fakaauau e te Ulu o Tokelau o te 2015 te fakafoega ki mua o te peleni o na huiga ke toe iei he tahi tautali mai a na Taupulega ki te matakupu.

## **4. VAEVAEGA/FAKAAOGAGA O TE TUPE MAUA MAI E TEUGA TUPE FAKAVAOMALO A TOKELAU**

Ko te mamalu o te Fono Fakamua na:

**i. matau:**

- i. te pepa;
- ii. e iei lava te Polihia ma na Taki o tenei Teuga Tupe.

**ii. malilie:**

- i. ke he tagofia e te Malo o Tokelau te ola o te Teuga Tupe Fakavaomalo;
- ii. ki te Komiti Pulepule o tenei Teuga Tupe ke tapena mai ni Lipoti Tupe taki tauhaga kae ke haofia ai te tulaga o tenei teuga tupe;
- iii. ke fakatalanoa i te Tauhaga Tupe Fou te tupe tuhaga taki tauhaga ki loto o te Teuga Tupe Fakavaomalo a Tokelau.

## **5. TUKUTUKUGA MO FEMALAGAAKIGA MO HE TAIMI PUKUPUKU KE PA MAI TE VAKA FOU MA KAMATA TANA TAUTUAGA**

Ko te mamalu o te Fono Fakamua na:

**i. matau:**

- i. ko na fakamatalaga mulinei e foliga mai ko te Mataliki e ono kamata tana tautuaga i he taimi mai te aho 9 Iulai ki te aho 2 Aukuho kae he ko te fakaikuga o Me e ve o na fakailoa i he taimi fatoa teka atu;
- ii. I te aho Lua, 24 Fepualu 2015, na fakatalanoa ai e te Malo Fakaaau te Kalena o na Fakatinoga i luga o Tokelau i te 2015, ke tuku ki loto o te Kalena o na Fakatinoga te taunuku mai o te Mataliki, he avanoa ke tuku atu he valakaulia kia Minihita McCully pe ko te Palemia o Niu Hila;
- iii. kua iei he fakatu ma te kauhaga i Niuhila kua tuku atu kia Minihita McCully ke fakataga he fakatupega fakaopoopo ke totogi ai te taimi fakaopoopo ki te tautuaga a te PB Matua;
- iv. kafai ko te he nafatia e te fakatupega, e iei lava te filifiliga ke fakaaoga e Tokelau na vaka o te SSC i ni Tukutukuga ma i he tulaga venei e manakomia he fakatupega fakaopoopo i he NZ\$150k kafai e malilie te Fono Fakamua ke fakaaoga te fakatupega na fakavahega mo te pulepulega o te Mataliki;

- ii. toe **fakamautinoa** ko Tokelau e fofou ke fakaauau te PB Matua e veia ona takua e te Fono Fakamua ki te Ulu Fakatonu ia Novema 2014;
- iii. **malilie;**
- i. kafai e he katoa te tupe mai Niu Hila mo te fakaauauga o te PB Matua ke faka-katoa mai te fakatupega na tuku kehe e te Fono Fakamua ke pulepule ai te Mataliki;
  - ii. ke malaga te Minihita ma te Fakatonu ke kikila ki te vaka pe lelei mo Tokelau ma pe iei foki ni vaega e toe fakaopoopo.

## **6. LIPOTI MAI TE MALO FAKAAUAU**

Ko te mamalu o te Fono Fakamua na **matau** te Lipoti mai te Malo Fakaauau, kae kafai e iei ni fehili pe ni vaega e fia malamalama ai manu e iei na hui o te Malo Fakaauau i luga o na Nuku takitahi.

**Fakamaonia e:**



.....  
Petelo Sanele Patelesio  
Takitaki Fono

.....  
27/02/2015  
Aho



.....  
Petelo Tavite  
Hui Takitaki Fono

.....  
27/2/15  
Aho

# **Lauga a te Ulufakatonu ki te Tatalaga o te Fono Fakamua**

**Aho Gafua 23 Fepualu, 2015**

Ulu o Tokelau, Hui o te Malo Fakaauau, Moheniolo, na Toeaina, Hui o na Fatupaepae, Hui o te Fono Fakamua.

E alofa mai te Ulu Fakatonu. Fakafetai lahi mo te feiloakiga ma te alolofa kia te kimaua – kae maihe ia Maria (te Fakahoa fou o na Polokalame Atiake a Tokelau).

Fakatalofa atu ki na Kaukauna a te Aiki kua fakatahi mai ke kaumai iloa o Tokelau ki te Fono Fakamua tenei.

Ke kavea au ma hui e fakatalofa atu ai te Ulufakatonu, Jonathan Kings, e momoli mai ana fakamanuiaga kia koulua talanoaga, ma ki tagata nuku o Tokelau. Na talohaga mai ke momoli atu foki o na he fafia o na e heki mafai ke fakatahi ma koulua i te fonotaga taua tenei.

Kae, e mafai au ke lea atu e ui e taukave e ia mo he taimi pukupuku hetahi ofiha maualuga atu i te Matagaluega o te Va ki Fafo ma Fakatauakiga, e tumau pea te malohi tana kikilaga ki ona tiute ko ia te Ulufakatonu o Tokelau, ma e tumau pea foki ia i te tofi Ulufakatonu pe hea lava te mataloa e taukave ai e ia te tofi Hui Failautuhi Lagolago o te Va ki Fafo ma Fakatauakiga.

Ko te Ulufakatonu nae malohi ma lahi hana hao ki te fatuga o na lagona o Niuhila ki te Peleni mo ni Huiga, ma pe vehea o na galulue fakatahi ke fatu te galuega tenei ki he Peleni mo te Tulaga o te Olaga mo tagata nuku o Tokelau. E tuku atu e au na lagona ienei ki te Fono Fakamua.

Kae e iei te vaega taua a te Fono tenei ka ko heki talanoa kitatou ki te Tulaga o te Olaga: Faipule Kuresa – E fakafetai atu ia Niuhila mo te taimi nae taukave ai e koe te tofi Ulu. Ko Minihita McCully ma te Ulufakatonu e amanakia fafia na galuega nae taki e koe, ma te hao a koe ki te hokotaga a Niuhila/Tokelau. E mafai ai ke lea atu venei, i te fakaheke atu o te tofi Ulu ki to hoa Faipule Perez, ko te hokotaga ei he tulaga mafana, ma e kitea lahi te vaega tenei i te tatou iviivinaki fakatahi ke fakalelei atili te tulaga o te olaga o na hitiheni Niuhila o Tokelau. Nae ko he taimi o lukitau, kae ko he taimi foki e maua ai ni avanoa lahi mo te lumanaki o Tokelau. E amanakia lahi e Niuhila to iviivinaki ke lahi he lelei e maua mai i na avanoa ienei mo tagata nuku o Tokelau.

Faipule Perez, e fakamalo atu ia Niuhila ki to fakanofoga. E kikila fafia atu ke galulue ma koe ke fakahavali te galuega taua tenei na kamata fakatahi ma Tokelau. E tu fakatagataga mai ia

Niuhiila ke fehoahoani ki te galuega e loma nei mo te fakaleleiga o te tulaga o te olaga i luga i na nuku o Tokelau.

No reira tena kotou, tena kotou, tena kotou katoa

Fakafetai lahi

## **Kupu a te Ulu o Tokelau 2014**

### **Tatalaga o te Fono Fakamua**

**Aho Gafua 23 Fepuali 2015,**

**St Maletino Tepole Talikilagi, Nukunonu**

1.0 Tulou! – Malo Ni! E ko fakaamanakia te fakatahi mai o te Kaukauna a te Atua Father Aro. E fia fakafetai atu au kia Moheniola mo te fekau o te malama ma te ola kua takitakia ai te fakatahiga. E ko fakaamanakia foki te Atua ma tona alofa tumau kua mafai ke fakatahi ai kitatou ma te manua I Nukunonu.

2.0 E fakaamanakia e au:

- Na Kau Hauatea;
- Na Hui o te Ulufakatonu o Tokelau – Roger Cornforth ma te Fakahoa mo na Atiakega o Tokelau: Maria Reynen Clayton;
- Takitakifono o te Fono Fakamua;
- Hui o te Fono Fakamua;
- Hui o te Malo Fakaauau; ma na
- Hui o na Kaufaigaluega Tautua a na Nuku ma te Malo.

3.0 E fia ko fakaamanakia foki ia fanau a Tokelau – Fanau a Matiti, Na Tupulaga, Fatupaepae ma te kaiga o Tokelau.

4.0 I te taimi na fakalogo atu ai au ki na leo o fanau i te taeao tenei, kua he ko mafaia oi taofi toku agaga alofa. I toku mafaufau pe he lumanaki vehea to latou. Ko au e talitonu, ko to latou lumanaki e tatau ke i o latou lima lava – ko te lumanaki o Tokelau e tatau ke i lima o tagata Tokelau. Ko kitatou te Fono Fakamua, te Malo Fakaauau ma na Taupulega e na ko ni tino e taukikila, ma puipuia o latou leo o na ai ko te latou lumanaki! Ko kitatou na fakafeiloaki e Nukunonu; kua fakalogo kitatou ki na kupu fakamalohi mai te Kau Hauatea; ma kua fakalogo foki kitatou ki na kupu faka-faiga paaga, ma fakalototele e takua ite kupu a te Ulufakatonu o Tokelau – I toku kavea ai ko te Ulu o Tokelau ka tulaki

kehe, e feiloaki atu koulua te kaiga o Tokelau. I te agaga e fakafeiloaki atu ai koulua, e fia fakamautinoa atu ko Tokelau ka mautu ma malohi ta na tu ona ai ko kitatou e tauivi ke galulue fakatahi mo te tatou lumanaki. Ko te tatou lototahi ko te malohiaga ia e kaumaia te aho fou.

5.0 Ko te hikitia ki luga o te tulaga o te olaga o o tatou tagata UMA e tatau lava kei te fatu o te tatou loto naunau fakatahi ke tautua ia Tokelau. Ko te Fono Fakamua tenei ko he fono faka-kaiga e tatau ai kitatou ke talatalatona fakalelei e uiga ki te tulaga o te olaga o o tatou tagata. Kua tuku atu kia te koulua te Lipoti o te Peleni mo Huiga. Ko au nei ma te Ulufakatonu o Tokelau ite kavea ai ko na hoa-lagolago e ki ma taliagia e iei na vaivaiga ite auala na fakatino ai te galuega, ma nae tatau ke hili atu te lelei i tona fakatinoga – e paku mai kia te kimaua na vaivaiga o tenei fakatinoga. Ke nahe kikila fakatauva ai ki o koulua popolega ki te auala na fakatino ai te galuega, e mokomoko ki maua ko kitatou ka kikila ki tua atu o te auala tenei pe vehea ona fakatatia ma fakatulaga kae ke fakalelei ai te tulaga lelei o te olaga o o tatou tagata.

6.0 E he mafai kitatou ke agai ki mua vagana ai kua fakamatea e kitatou na poutu e lua. Muamua ko te tatou **ivivinaki faka-politiki** ke fofo fakavave ai te tulaga lelei o te olaga. Kafai e heai he loto ma ni ivivinakigaa faka-politiki e he mafai ke agai ki mua. Ko te agai pea ki luga o te lahi ona iloiloga kua fakatatia kehe ona ai ko te heai o he ivivinakiga faka-politiki e he ko he ata lelei tena o te tatou tulaga ko ni tino fai tonu. I te tulaga tena, e ko mataua ai te fakanaunauga kua fakaalia e kui ina fautuaga o te iloiloga o te Akoga ma na kikilaga lelei na fakalia e kui ite iloiloga o te Ola Malolo. Ko te poutu tona lua ko te **loto nuku**. E ui ko na fautuaga o na lipoti ma na iloiloga e fakahaga tonu ki te fakaleleiga o te tulaga o te olaga, ko kitatou na nuku, ko he kaiga, he paaga faka-te-tulafono fakavae, ko kitatou ni tino e tatau ke taofi mau ki na galuega ke hikitia ai ki luga te tulaga lelei o te olaga ‘e ve lava e o tatou’.

7.0 I na talanoaga i loto ona aho ienei e lua, ke vena ona manatua pea e kitatou na poutu ienei e lua. E maua foki e kitatou te avanoa ke kikila ai ki ni matakupu taua kamata mai ite iloiloga o te Vaegatupe, Peleni Taki, Tali mo Felakuakiga, Polihi mo te Vaevaega ote Teugatupe, Polokalame mo Galuega Lalahi ma ietahi matakupu tau atiake e fakahino tonu ki te tulaga o te olaga lelei o o tatou tagata UMA.

8.0 Eiei te avanoa fuaefa ite Fono Fakamua tenei ke fofo ai te tulaga o te olaga lelei o tagata. Ko na fetu kua fakafetaui – ko a tatou paaga faka-te-tulafono ma na paaga atiake kua fakamautinoa mai to latou naunautakiga mo na atiakega mo Tokelau. Te Fono Fakamua, te Malo Fakaauau, na hui o te Ulufakatonu, te Kaufaigaluega Tautua a Tokelau – ite nofoia o te mulivaka e na toeaina, e kitatou mafaia auhia te hini. Kua fakaleo mai e na toeaina to latou loto naunau ke hikitia ki luga te olaga i he taimi vave. Ko te tofi ke fakatino mai te tulaga tenei ite aho nei e o tatou, ma nahe kitatou tukua kilatou ki lalo.

9.0 E lahi na vaega lalahi na auhia i toku taimi ko te Ulu o Tokelau. I te tulaga tena, ko au ko te tino muamua ke taku tino atu eiei lava te avanoa ke fakalelei atili ai te auala e galulue fakatahi ai kitatou. E tatau ke manino kitatou ma tautali atu ki o tatou tiute. Ko na tiute e tautali atu ki ei na Taupulega ma na tiute e tautali ki ei te Fono Fakamua ma te Malo Fakaauau. Ko te kaufaigaluega tautua e tatau ke tautali atu ki ana fakatinoga ma tatau ke paku ki ei te ola o na fakatinoga ienei. Ko au e fafia ke lipoti atu kua kamata fakatino ite tauhaga nei na iloiloga o na fakatinoga a na Fakatonu ma na Pule Fakahoa. I te tulaga tenei ko au foki e fafia kua kamata na akoakoga ite pulepule lelei ma na taki ke fehoahoani ki te fakamainaga o na tulaga ma na tiute mo na Taupulega, Fono Fakamua, Malo Fakaauau ma na Fakalapotopotoga Tutautahi.

10.0 E fia ko kavea he tama taimi lele ke fai ai he kupu agai ki te hokotaga ma Niuhila. Ko Niuhila ko he kaiga e tatou. E luki e ia kitatou aua ko he kaiga e o tatou. Ko te faigamalaga e kuia e kitatou ite taimi nei e tuha ai ma te tulaga lelei o te olaga ko he faigamalaga e a Tokelau – kae ko he faigamalaga e fai fakatahi ma Niuhila ona he kaiga e o tatou. Ko au e talohaga atu e ui ko a tatou moemitiga mo he faigamalo fakalotoifale e he mamae, ko te tatou loto naunau ma te hokotaga e tatau ke atagia ai na taki ma na talitonuga fai fakatahi ma Niuhila.

11.0 E fia ko kavea te avanoa tenei ke fakalototele atu ai te Ulu fou o Tokelau ma kitatou uma i te agai atu ki te fakaikuga o te vaitaimi o te Peleni Taki, fakaikuga o te tauhaga tupe, ma te kamataga o te tauhaga kalena tenei. Tatou fakatulaga na vaega e tatau ke fakamuamua! Tatou peleni! Tatou onohai fakakaiga! Ki te Ulu o Tokelau e fakafotu mai, ko au e talitonu kua uma te fakatativa tonu te fakavae ke fakaauau ai tau faigamalaga. Kua fakatino tena vaega ona ko te gaulue malolohi ma te loto tauivi ona takitaki o

Tokelau i mua atu o oku – ko ietahi o kilatou kua he fakatahi mai ma kitatou ite aho tenei. Ona ko te Atua ko te tatou fakavae, ko au e fakalototele ma fakamanuia atu ke ia takitakia ki tatou ki he koga moana e mafai ai e o tatou tagata ke tutu ki luga ma te loto mitamita.

12.0 Ko haku fakaikuga, kae tau kamata te tatou Fono Fakamua ite aho taeao, ko au e talohaga atu mo kitatou ke hakilikili loloto atili ki te punaaga o te malohi ma te poto ke ia fakamainagia a tatou fetufaafiga i te tulaga o te lelei o te olaga. Tatou faia he huiga i te aho tenei e kui ite fakamakeke atili o te tatou loto tahi. He loto tahi e maua tonu makeke ite auhia o te pogai e fokotahi ma te tauhi e te tahi te tahi tino. Ko te tatou talaaga tenei mo te taimi nei ma na tupalaga o te lumanaki.

13.0 E fia ko kavea foki te avanoa tenei ke momoli atu ai haku fakafetai ki tagata uma o Tokelau mo te koulua lagolago mai i toku taimi ko te Ulu o Tokelau – ko au e fakafetai ki na Taupulega, ki na Hui o te Fono Fakamua, te Malo Fakaauau ma te Kaufaigaluega. Ko au foki e fakafetai atu ki toku kaiga mo te onohai ke pa lava ki na taimi e heai ai au. Ko au foki e fakafetai atu ki te Ulufakatonu o Tokelau ma te Malo o Niuhila mo tana lagolago faifai pea. Ko he tauhaga nae lahi ona lukitau, kae ko tau lagolago mai, ma au tatalo fakatahi ai ma te takitakiga ma na fakamanuiaga a te Tamana ite lagi, e talitonu au ko te Ulu o Tokelau mo te 2014, ko te faimalaga a Tokelau e holo tonu ma tonu alavaka. *Ke Ola ia Tokelau ite alofa ote Atua*

## **Lauga a te Ulu o Tokelau 2015**

### **TAEAO KA FAKATIU TE MATAGI**

*Fakatulou atu ko ki tufuga o te lagi, Kaukauna a te Atua*

- *Afioga a Moheniolo Oliver Aro*
- *Vena te mamalu o fata fiaitaulaga o Tokelau*

*Heavea mua koulua, Fatu Fakavae o Tokelau*

- *Na toeaina, Te kau Hauatea, ko te Palega lava tena o te mamalu ki te:*
  - (i) *Faleagafulu o Aliki;*
  - (ii) *Falefitu o Aliki; vena te*
  - (iii) *Falefa o Aliki;*

*Tulou!*

*Tena e alaala mai koulua:*

- *Na hui mai te Malo o Niuhila*
- *Te Ulu tuai o Tokelau, Faipule Nasau*
- *Kae maihe te kaiqa o Minihita, te Malo Fakaauau, te Takitaki Fono & Hui Takitaki Fono*

*Malo te onohai!*

*Tulou atu ki Tapu Taualiki, Hui mamalu o te Fono Fakamua. Malo te onohai!*

*Tulou ki te mamalu o te Kaufaigaluega Tautua a te Malo vena ma na Nuku. Kua fitata koutou I te fakatinoga o na tonu fai a na Taupulega ma te Malo.*

*Tulou atu ki te katoaga o Tokelau, Kaiga vena ma Uo.*

*Kua potopoto Tokelau ki malae nei o Talikilagi ko te loto kua pupu I te alofa.b E talitonu e he ko au tenei – kae ko te tofi Ulu o Tokelau – Fakafetai – Tulou, Tulou ko!*

E muamua lava haku fakafetai e he lava ki te Ulu o te 2014 ia Faipule Kuresa Nasau mo na galuega fita uma nae nofo mulivaka mai ai I te fakatelega o te tatou malo. Kua molimau uma ki tatou ki te lahi o galuega lelei na fakatino e Faipule Nasau I tena tauhaga ma e maualuga te fakamoemoe ka iei pea te koulua tapalepale ki te fakafoega fakatahi o te tatou foe o te 2015.

Lua, ka ko fakaaoga te alagakupu – “Taeao ka Fakatiu te matagi” mai te ta aganuku ke taufakaataata atu ai na huiga fou ka feagai ma te fakanofonofoga o te tatou malo. Mai te alagakupu tenei e fia ko kavatua ai te fekau, ko taeao ka hui ai ia o matagi mahani.

I te tatou aganuku, ka ko he ki kalo te matagi ki te Fakatiu, kua tatou iloagia ko tatou ka ulufale atu ki aho lua o laulau matagi. He taimi foki e

hiaki ai o tatou fale, fakaatea na lakau tutu e ono afaina ai o tatou ola malolo ma fakaputu a tatou meakai aua te tau ka he lelei ki te fagota. I te gagana o aho nei, ko te fekau kafai e lava tapena ma hauniuni mamao ki na matagi o huiga ka folaua e Tokelau e manuia te tatou folau. Kua tatau ai foki ki tatou ke hui a tatou kikila agai ki te fakaleleia atili o a tatou tautuaga ki o tatou tagata.

Ko te fakatahiga gali a te atunuku I tenei taeao, kua toe molimau ai foki ki tatou ki te malohi o te loto ma te agaga uiga kehe o taumafaiga fakatahi a Tokelau. Kua tatau ai ki tatou ke fulifuli ma fakafetaui o tatou olaga ki ienei vaitau o huiga kae na he galo ko te pipiki tumau pea ki pale o Tokelau mai mua - ko te ta aganuku tena. Aua e he mafai, e he mafai lava to ta pale tena mai mua ke huia. Kua tauhāgā talu te tatou oola ienei itukaiga hikomaga I te fenua kua kavea ma o tatou kaiga.

Ko te tatou fakanofoga I tenei taeao, kua totoki ai he kamataga fou, he takutinoga fou I loto o te tatou faigamalo, kae maihe he agaga ola fou e galue pea mo ki tatou uma. Ko te Ulu kua na ko te matau ma fakailoa lautele te agaga ola fou tena, kae ka he kau fakatahi kiei ona tagata ni taumafaiga anoa lava ta tatou e fai.

Ko te tatou hauniga I te taeao tenei, kua koutou fakamanatu mai ai ki a te au te taua o te tatou galulue vava pipili, ke fakafetaui o tatou loto ma o tatou mafaufau, ma ke fai au ma fakatakitakiga lelei o ki tatou uma. Tatou faua fakatahi ko te tatou atunuku I te agaga fou tena ke atagia mai ai te faifaimea fakatahi, e he gata I te va o na nuku, kae vena foki te va o mataeke ma na kaufaigaluega.

Ko te tatou limalima fakatahi ma te loto malohi e talitonu au, ka to ki lalo ai ni oku vaivaiga, ma ko te tatou lava tapale fakatahi I te tatou auala ka totoki mo te 2015, ka fakataigole ai foki te kuia e te tatou paopao ia koga moana houhou ko i muavaka.

Tatou onoono fakatahi ma faikakata fakatahi, galulue fakatahi ma tatalo fakatahi, ke iei pea te loto malohi, aua he fakaikuga ka hulu ai a tatou foe I te taunuku atu ki faga o lelei pe ake uta te tatou folaua o te 2015. Ke kavea ko na moana houhou na tau fafaia ai to tatou paopao I aho kua teka atu, ke hafua mai ai he fakamakekega fou ki pale kautu o te ta aganuku Tokelau. Aua kafai ki tatou ka fulitua ki taumafaiga a to tatou faigamalo, e talitonu te loto ka fakataigole ai foki te avanoa mo he tatou lumanaki lelei.

Te ivi malohi o to tatou atunuku, te kaufaigaluega tautua a Tokelau ni kupu fakalakeikau ke na he fakamanumalooa ko te fakapalapala pe ko te fakavaivai ia a tatou tautuaga, pe tuku atu e tatou he olaga afaafa te lelei mo ho he tagata Tokelau.

Ko te tatou faigamalo e tatau ke he gata oioti I te mafai maualuga o te kaufaigaluega ki te mea e gata mai ai na tautuaga kae ke vena foki o na fatu I luga o te alofa moni.

Hove I he taimi lata mai, ka afea atu ai o koulua kauafua, ke ahi atu koulua na Taupulega I te agaga faka-Tokelau lava. E heai he tahi pogai e kehe mai I te fia toto o te fatu o te tatou galulue fakatahi aua a tatou fanau.

E I luga nei o te laulau fono a Tokelau he peleni fakaataata mo na huiga ma na fakanofonofoga fou ka fakahavali ai te malo o Tokelau. Ka fakatalatalanoa e te Fono Fakamua te ata tenei ma ona fakanofoga ke nuka lelei ma te ta nofonofoga. I he taimi lata mai, ka fakahavali ai na fautuaga a te kauhaga mo huiga nae aoao lagona mai, mai na fakalapotopotoga nuku vena ma te malo ke fifili ai he ata taoga lelei mo manakoga o tagata Tokelau. Aua, ko te fakakautuuga o te ata tenei ke maua e tagata uma he olaga e hili atu te lelei nai lo te olaga nae iei e auala atu I tautuaga a te malo.

Kua ki tatou matau leleiagia “ko te lahi” e he veake ko te “lelei katoatoa” tena ma ko te tatou taigole, ko Tokelau foki e lahi na mea e he ia paea ma nafatia, ma e he ki tatou mafaia foki oi tali uma na fehili pe fofo uma o tatou fakafitauli. E he talafeagai foki te fakatino uma lele e tatou a tatou galuega lalahi I he taimi e fokotahi ma vena foki te he talafeagai o te tatou fakavaivai kae kua feagai nei ki tatou ma to tatou vaitaimi. Ko ki tatou fakatahi, I te agaga galue faka-te-tautokatahi mo te lelei fakatahi, e tatau ai ke fai e ki tatou te mea e hili atu te lelei.

E laga foki he fakafetai lahi fakapitoa a Tokelau ki te Malo o Niuhila. Ki te lagolagohua ki manakoga o Tokelau I tauhaga takitahi I te itu tau heleni vena ma na itu tau poto fakapitoa. Kua tatau ai ki tatou te malo ma na nuku ke fakaaoga lelei ko te heleni e fehoahoani mai ai te Malo o Niuhila. Ko tenei te kikilaga kua ala ai na fakanofonofoga fou ka fakahavali ai te faigamalo a Tokelau ke atagia mai ai e aoga mo tagata uma na tautuaga fakatino a te malo. Ke manuia lava na fakatalatalanoaga ka alo atu ki tatou ki ei. Aua teao ka Fakatiu te matagi.

Taku toe kupu oku tauga hoa :

Ke foe mua, foe muli te tatou Aliki ia tatou tonu fai, ma:

Fakalogo ake ki te lagi a o tatou tupuna kua momoe atu:

- i. Uhu ki te Tui oi nanunananu ai  
Taliga e fakalogo mai
- ii. Halahala ki vavau  
Mau ki pale gali manogi o Tokelau

Ke utu ola ia faiva Tokelau. Ke manuia ia Tokelau uma i te alofa o te Atua. Fakafetai.

**KUPU HOKOFAKATAHI A NA HOA-LAGOLAGO O TE PELENI MO  
NA HUIGA**

**24 FEPUALI 2015**

**ST MALETINO TEPOLE TALIKILAGI, NUKUNONU**

Takitakifono

Na hui o te kaiga o Tokelau

1. Ko te taimi tenei kua e o tatou. Ko na talatalanoaga agai ki te Peleni mo na Huiga e he ko he galuega e tatau ke fakatino i loto o he minute – e he gata ona ko te fakauigaga o te kupu huiga e ve ona tuku mai ai, kae ko te vaega e pito taua ko na fakaikuga e tatia tonu i te fatu i te tulaga o te olaga lelei o o tatou tagata i te lumanaki. Ko au e talohaga atu mo haulua fakaamanakiaga ke fakapa atu he kupu hokofakatahi a na hoa-lagolago, toku tagata nei ma te Ulu Fakatonu aua he fofo vave ki te tulaga o te olaga lelei o o tatou tagata.
2. Ia lulai o te tauhaga kua teka na fakailoa mai ai na popolega loloto o Minihita McCully e tuha ai ma te he fakamaliegia ai o te tulaga lelei o te olaga o tagata i Tokelau e ve ona atagia mai i loto o na iloiloga na fatoa maea atu kae maihe lava i loto ona tautuaga taua i te Akoakoga ma te Ola Malolo. O na ai ko te tulaga tena, na

taofia ai e te Minihita te toe fakamatuku mai o ietahi vaega tupe tauhi, fakatahi ai ma te tauhaga tupe tenei ki Tokelau vagana ai kua fakatatia mai he peleni e fakamaliegia ai te tulaga ko te tupe tauhi mai Niuhila e atagia ai he tulaga e hili atu ai te lelei o te olaga o tagata o Tokelau. Ko Tokelau, kui ina Taupulega e tolu e lagona tutuha ma na popolega o te Minihita, ma e loto malohi ke fai he fofo ki na popolega ienei. Ko te taimi fakatatia na tuku mai kia te kitatou e he lava, ma ko kitatou i te taimi tena, ma e vena foki i te taimi nei, e iei to tatou lagona naunau ke fakamautinoa ko o tatou tagata e kilatou mauagia he levolo o te olaga e talafeagai ma te moemitiga ***Ni Nuku Ola Malolo ma Hatala ma ni Avanoa mo Tagata Uma***

3. Ke fehoahoani ki Tokelau ma Niuhila, ko kimaua na hoa-lagolago na tuku ki ei te galuega ke tuku fakatahi he peleni e mafai ke fehoahoani ki te faiga paaga a Tokelau ma Niuhila ke fakamautinoa ai he tulaga lelei atu ote olaga o tagata e kui i he hikitia ki luga o te fakatinoga o na tautuaga. E amanakia fakatahi e kimaua nei e iei na vaivaiga i te auala na fakatino ai te galuega tenei ma nae mafai ke ono hili atu – e paku mai kia te kimaua te tulaga tenei. Ke nahe kikila fakatauva ai ki o koulua popolega ki te auala na fakatino ai te galuega, e mokomoko ki maua ko kitatou ka kikila ki tua atu o te auala tenei ki na huiga kua fakatutu mai ma ona leleiga, pe ko ni vaivaiga foki; ma vaega e auhia ai he tulaga lelei atu o te olaga mo o tatou tagata i Tokelau.
4. Ko na huiga fakatutu e he ko ni tama vaega. Ko te fakatu, e ve ona iloa ai ite taimi nei ko te “Peleni mo Huiga” kua toetiti lava maua te lua mahina ei lima ai o tagata i Tokelau mo ni fakatalanoaga aua

na tapenaga a koulua mo a tatou talanoaga i te aho nei. E lagona te loto tele ona e matau atu ki na pepa fono ko na nuku takitahi, e kui mai ina hui fono mamalu kua fakatahi mai ki te fono nei ma ni lagona agai ki te fakatu. E ki ma iloa ko na huiga kua fakatutu atu e luki ai na auala mahani mai te pulepule ki te fakahoa ke pa ki te fakatinoga o mea. I te kavea ai ko maua ko na hoa-lagolago, e lagona e kimaua te totoka ona ko a tatou talanoaga ka mafai ke fakamama ai ni popolega ma tuku atu ai he alavaka manino e maua ai he fakavae malohi mo na fakatinoga.

5. I te tulaga tenei, e tuku atu ai e kimaua nei te Peleni mo Huiga mo haulua kikilaga ma ni faiga tonu ma auala e mafai ai ke fakamalohia atili ai te tatou kaufaigaluega tautua ke fai hao lelei ai ki he tulaga hili atu mo te olaga o tatou tagata. I te fakatinoga tenei, ko te fakatu tenei e fehoahoani ma ini ietahi auala e toe feeke atili atu ai na fautuaga i lalo ona iloiloga na fatoa maea atu, te Fakahekega, Akoga, Ola Malolo, Fehokotakiga, Pulepulega ona Aheta.
6. Kua lea mai o tatou tagata ko te tulaga o te olaga i luga o fenua e he lelei. Fakatahi ai ma te lagolago a Niuhila, kua loto malohi na toeaina ke fofotu te tulaga tenei. E kitatou iloa e tatau ke fai ni huiga. E kitatou iloa foki e tatau ke fakatumaugia te agai ki mua, kae e he i he faiga fakalavelave ka i he auala i vaiaho uma, i mahina uma e kitatou kitea ni huiga lelei ki te tulaga o te olaga o o tatou tagata. Kua vagana mai o tatou tamana ko he tiute e o tatou ke fakataunuku tenei vaega ma fai ke mooni!
7. Ke manuia na talatalanoaga!

**Ki latou na fakatahi mai ki te Fono Fakamua.**

**Aliki Faipule**

1. Ulu o Tokelau, Aliki Faipule Siopili Fatia Perez, Nukunonu
2. Aliki Faipule Kuresa Nasau, Atafu
3. Aliki Faipule Kolouei O'Brien, Fakaofo

**Aliki Pulenuku**

1. Aliki Pulenuku Mose Pelasio
2. Aliki Pulenuku Panapa Sakaria
3. Aliki Pulenuku Fa'afetai Taumanu

**Hui ki te Malo Fakaauau**

1. MP Saili Peau, Atafu

**Hauatea**

1. Vihehio Tovio, Fakaofo
2. Penehe Tulafono, Fakaofo
3. Peni Teaku, Atafu
4. Elia Mamoe, Atafu
5. Tito Setefano, Nukunonu
6. Pio Tuia, Nukunonu

**Hui Fakalogologo o te Taupulega a Fakaofo**

1. Iona Teata
2. Kahimilo Niko
3. Sio Sio
4. Taupati Peleni
5. Pahi Niko

**Fakatonu/Pule Fakahoa**

1. Hina Puka-Mete, Ofiha Taupulega, Fakaofo
2. Tino Vitale, Ofiha Taupulega, Nukunonu
3. Sefo Vulu, Ofiha Taupulega, Atafu
4. Aleta Aleta, Mataeke o te Akoga
5. Mika Perez, Mataeke o te EDNRE
6. Dr. Silvia Tavite, Mataeke o te Ola Malolo
7. Tealofi Enosa, Mataeke o Fehokotakiga
8. Robin Pene, Mataeke o Malohiaga
9. Joe Suveinakama, Ofiha o te Malo Fakaauau o Tokelau
10. Mario Volk, Mataeke o te Tupe
11. Asofa Fereti, Mataeke o Femalagaakiga & Tautuaga Lagolago

**Ietahi o te Kaufaigaluega Tautua**

12. Lise Suveinakama
13. Ake Puka
14. Kele Lui
15. Jaap Jasper
16. Heto Puka
17. Margaret Sapolu
18. Afega Gualofa
19. Mete Lui
20. Ianeta Teao
21. Poasi Tuilotolava
22. Hana Tui
23. Ivoli Naniheni
24. Asi Pasilio
25. Mika Maiava
26. Ta'ase Sio

**Leoleo**

27. Sefo Leo
28. Manuele Aleki
29. Patrick Tegei Lui
30. Kueva Aleki
31. Viliamu Ioapo
32. Suliana Peha
33. Safiti Gualofa
34. Heo Peleni
35. Leupena Leitu
36. Fa'amaoni Fa'amaoni
37. Soteria Leitu